

Nzambe kati na biso



Gabriele

Mikanda ya ofele na lokota ya Kifalansa



- La réincarnation, une grâce de la Vie
- Une vie riche jusqu'à un âge avancé
- Le Sermon sur la Montagne La clé d'une vie intérieure riche
- Vous n'êtes pas seul
- Paroles de réconfort
- Ne baisse pas les bras ! Persévère !
- Ceci est Ma Parole. A et Ω
- Vous vivez éternellement. La mort n'existe pas
- Le Chemin Intérieur menant à la conscience cosmique
- Les grands enseignements cosmiques de Jésus de Nazareth
- Jésus et les animaux
- Moi•Moi•Moi L'araignée dans sa toile



Nzambe kati na biso

*Makomi ya Gabriele,
Mosakoli mpe motindami ya Nzambe*



Gabriele Publishing
The Word

1^{ère} édition en Lingana: octobre 2025

N° de comm.: G313lin

© Gabriele-Verlag Das Wort

Max-Braun-Str. 2, 97828 Marktheidenfeld, Allemagne
www.gabriele-verlag.com • www.editions-gabriele.com

Titre original en allemand:

Gott in uns

Auszüge aus dem Buch

Der Freie Geist – Gott in uns

Pour toute question se rapportant au sens,
l'édition allemande fait référence.

Tous droits réservés.

aussi pour les lettrines

Imprimeur: KlarDruck GmbH, Marktheidenfeld, Allemagne

Nzambe kati na biso

Ba ndeko ba tangi, na mikolo oyo soki tolobi ete «Nzambé azali kati na biso», bato ebele bakoki komona yango lokola litúmoli, pamba te, na koyoka mpe kotala ba sango, mpe nionso oyo ezali koleka na mokili ya lelo, bato ebele bazali komona lokola «Nzambe» azongi sima to azali lisusu na bomoyi ya bato te.

Ba panzi sango bazali kotalisa ba makama, bitumba to pe lolenge bato bazali kondongwana bango na bango soki makanisi na bango ezali kokokana te.

Mabele, ba niama, matiti pe ba nzete nionso ya mokili, ezali ko niokwama mpo bato ba zangi botosi na mateya ya bo klisto. Ata soki mateya yango ezali kolobama mingi, kasi botosi na yango ezali mpenza

te, mpo mingi bazali kosalela pe koniokola bikelamu eye mpo ya litomba na bango moko. Moko na moko azali kopesa eyano na lolenge na ye po na komonisa été lolenge azali kobebisa mokili, koniokola baniama, koboma bango, mpe bikelamu niono misusu, ezali mpenza na nzela, mpe ezali mabe te. Ya solo, nyonso oyo ezali kosalema, ezali kolakisa bozangi botosi na mateya ya Nzambe kati na Yesu na Nazareti.

Kasi, na kati ya mabulungana nionso wana, moto moko a telemi mpe azali ko loba: «Nzambe azali kati na biso.»

Na mokolo ya lelo batu ebele ba zali ko longwa na ba mangomba ya biyamba. Tokomi koyoka mingi mpenza lokuta mpe ba mbeba oyo ezali kuna ata soki bazali kosala nionso mpo ya kobomba yango. Ebele ba oyo bamibengi ba sali ya Nzambe, ba zali

ko sala makambo ya mabe, ya bosoto, ya nsomo, mpe ya soni mpenza.

Ya solo batu mingi ba zali kotika ba eklezia na bango, pamba te ba moni ete bakosamaki na kotya elikia ete kuna nde ba ko kuta Nzambe. Batu mosusu ba zali na tembe mpe balobi ete Nzambe azalaka te, ba zali kotuna ete soki Nzambe azali, kasi avandaka wapi?

Bato ebele ba zali lisusu kondimela bakambi ya ba eklezia te. Lisusu pe, batu ya politiki ba zali kolobela mingi likambo etali «Bolamu ya bato nionso kati na mboka» mpe été «bazali wana mpo na kosalela bolamu ya bato nionso». Kasi soki to kundo-li, nionso wana mpenza ezali lokuta mpo mingi mingi bazali koluka nde bomengo ya bango moko. Nzoka nde ebele ba mibengi «ba klisto».

Kasi soki mbulamatarari azali kaka komitambusa lokola mowumbu ya eklezia, na kopesaka misolo ebele na eklezia (ndakisa pembeni ya ba euros 20 milliards na mbula moko na mboka Allemagne) makambo mingi ekoki ko bonguana te. Mpo ezala mbulamatarari oyo azali lokola mukala ya eklezia to mpe eklezia yango moko, bango nionso bazali komona ntina ya kobongola bizaleli na bango te mpo na kolinga Nzambe pe baninga na bango bato. Likolo ya ebele ya mbongo oyo tolobeli, mbulamatarari azali lisusu kopesa misolo mpo na kotonga to mpe kobongisa ba tempelo ya bamangomba wana. Mbongo wana ezali ko wuta epayi ya biso nionso ba futi mpako. Na maye wana, ba zali kokanisa te lolenge na biblia oyo ba sángó batalisaka ete yango nde bosolo mpenza, kuna na kati ekomama ete «*Nzambe oyo akelaki mokili na oyo*

nyonso ezali kobika, Ye, mokonzi ya lola pe mabele, avandaka na bandako etongami na maboko ya bato te.»

Na kotala malamuni, biso bafuti mpako bazali komonela biso mingi mpo na likambo yango na kokongolaka biso misolo ebele ebele.

Na yango, Yesu Klisto, a lobaki nini? «Oyo akozwa mbeli po na koboma, akokufa pe na mbeli.»

Mokili ya lelo etondi na bitumba, ko boma, ba nzala, minioko, bokono ya ndenge na ndenge, na oyo ba bengi ba épidémi, mpe minioko ebele oyo bato bazali komonisa ba niama. Nyonso wana ezali kotalisa lolenge ya moto awa na nse.

Na nyonso oyo ezali koleka na mokili ya lelo, bato misusu ba zali komituna ete:

«wapi Nzambe?» Misusu ba lobi «ntango molayi na ndimelaki masapo oyo elobamaka na kombo ya Nzambe, kasi sika namoni Nzambe azali te»

Nzambe esengeli asala nini na ntina ya libebi monene oyo mokili ekomi na yango sik'oyo? Apanza oyo nioso etikali to asala nini? Namoni eza na tina te, mpo moto ye moko azali komema mpenza mokumba na ye. Ya solo, lolenge mokili ebebi ezali lifuti ya mabe oyo biso bato to meseni kosala, kasi ezali Nzambe te.



Ba ndeko, na lingi naino kotuna motuna moko na bato ya buania mpe na baoyo bazali koningisa mitu:

Bozali na mulongo ya bato oyo bandimaka na pete oyo ba mosusu ba zali kotia bango na mitu ndakisa na oyo etali Nzambe? To mpe bozali ba meme oyo bazali na ntina ya ba tempelo oyo etongami na maboko ya bato, to mpe na ntina ya bisala-sala ya mangomba oyo ewuti na makanisi ya bakambi ya biyamba? To mpe bozali na ngambo ya bato oyo bazali na makoki ya kososola mpenza kasi ya kondima bindimela te na bilaka ya lokuta ndakisa ete Nzambe azali awa to mpe azali kuna, to mpe oyo bazali koloba ete makama oyo ezali lelo nakati ya mokili ezali kaka ba sekele ya Nzambe.

Na zali moto lokola bato nionso. Tango moto apesi elaka, esengeli a pesa mpe

bilembo na yango. Kasi moto moko te a koki ko pesa na moninga elaka ete nzela mpe toli oyo azali kopesa ye, yango nde ekoki mpo na kokuta Nzambe. Na koki mpe ko pesa elaka ya bongo te ete okomona Nzambe awa to kuna. Nzambe azali bomoyi kati na biso mpe na kati ya moko na moko.

Lolenge biso bato tokelama, tozalaka ntango inso na momesano ya kozala na lisanga. Mutu moko te a sengeli a zala ye moko. Na Biblia ekomama ete: «*Ezali malamu te moto azala ye moko.*» Kasi, komikanga epayi ya moto te, elakisi ete luka Nzambe kati na yo moko, pamba te na nzela na yango nde to kokolisa bo moko kati na lisanga, oyo evandisami na bosembo. Ko kuta Nzambe elingi ko loba ete liboso o misosola nanu yo moko kati na yo. Na mateya na ye, Yezu Klisto alobaki ete: «*Ngai Klisto na zali nzela, solo mpe bomoyi. Moto moko*

te akoki kokende epayi ya Tata soki na nzela na Ngayi te.»

Oyo elobami ezali mpe lolenge wana mpo na ngai. Na tiaka elikia na moto te, ata ko ba laki ngai ebele pe ba yebisi nga ete bakomema nga awa to mpe kuna po na kokuta Nzambe.

Bokutani na Nzambe na bomoyi, moto moko te akoki kotalisa yango na bato mosusu polele na libanda. Evandeli ya moto ekoki kozala elembo malamumu kasi ekoki kotalisa polele na libanda bokutani na Nzambe te.

Na zali kotinda moto te na makasi ete a ndimela makambo oyo na zali koloba. Kasi maloba ma ngai ezali ko wuta kaka na mateya ya Yesu Klisto, mingi na elaka oyo a pesaki biso ete: *«Na zali nzela, solo mpe bomoyi.»*; Oyo na lukaki pe na zali lisusu

koluka, ezali nde bokuti Nzambe. Mpe na kuti ye kati na ngai po na landaki moto te. Na mipesaki mobimba kaka na mateya ya Yesu Klisto, nde yango nazali kaka kosalela.

Na emoniseli monene ya Klisto oyo kombo na yango ezali «Oyo ezali Liloba na Ngai», ekomami été, na ntango azalaki awa na mokili, Yesu na Nazareti, esengelaki na ye pe ko yanola bato ya ntago wana oyo bazalaki na mituna na ntina ya Nzambe. Ekomami boye:

Bato mosusu ya ntembe, bayaki epayi ya Yesu na koloba ete: «o lobi ete bomoyi na biso mpe bokelemi na biso ewuti epayi ya Nzambe, kasi biso nanu to mona Nzambe te, mpe to yebi Nzambe moko te. Okoki kolakisa biso ye, oyo ozali ko benga Tata pe Nzambe Kaka Moko? Bisu to yebi te soki Nzambe azali.

Yesu ayanolaki ete: «Bo yoka liseke oyo ya ba mbisi. Ba mbisi ya ebale ba zalaki ko solola bango na bango boye: “ba yebisi biso ete bomoyi na biso mpe ko bika na biso ewuti na mayi, kasi nanu to mona mayi yango te, to yebi te soki elingi ko loba nini.” Ebele ya ba misusu kati na bango, bazalaki mayele ko leka ba ninga pe ba lobi: “to yokaka ete na kati na ebale ezali na mbisi moko ya bwania mpe a yebi makambo nyonso. To kende kotala ye po alakisa biso mayi yango.”

Yango wana, bayike kati na bango ba zwaki nzela ya boluki mbisi wana ya monene ya bwania, mpe bakomaki na ebale monene esika ya ye pe ba tunaki ye.

Eyano ya mbisi ya mayele ezalaki boye: “Tala ba mbisi ya zoba, oyo ba zali ko kanisa te! Kasi, bozali na bwanya bino bayike oyo bozali koluka boyebi. Bo zali na kati ya mayi esika bo moyi na bino ezali. Mayi ezali epayi

bowuta mpe epayi bo kozonga, Bomoyi na bino ezali kati na mayi kasi bo yebi yango te.” Na lolenge moko bo zali kati na Nzambe kasi bo zali kosenga na ngai: “lakisa biso Nzambe,” Nzambe azali kati na nionso mpe nionso ezali kati na Nzambe.»



Ndenge elobamaki, wuta bokelemi, moto alukaka kaka kozala na lisanga, pamba te ezali malamumu te moto azala ye moko. Soki to mipesi mobimba na Klisto okati na biso, lolenge Ye alingaki to sosola mpe azali kolinga kaka to sosola ete Ye azali Nzela, Solo, mpe Bomoyi; lisusu, soki to landi mokolo na mokolo malakisi na Ye, eko mema biso na kokutana na bato oyo makanisi pe bozali na biso ezali kotambola elongo. Kasi toko mikanga epayi ya bato wana te.

Soki to lobi ete «Nzambe azali kati na biso», bato mosusu ba koki koyanola eté: Ezali ya solo te, na ko tala lolenge mokili ekomi mikolo oyo. Nzoka nde, kati na biblia ya ba mumpe, ekomami ete: «*Nzambe a vandaka na ba ndako oyo etongami na maboko ya bato te.*»

Liloba wana eboti motuna oyo: soki Nzambe a vandaka na ba ndako bato ba tongi te, kasi a vanda ka wapi?

Bato mingi bayebi ete ba zali na molimo kati na bango. Misusu bakoki kobanda komituna mpenza soki ezali ya solo to lokuta. Kasi, na koyeba ete kati na biso ezali na molimo oyo ezali na bomoyi, oyo ezangi bozito mpe oyo ezali ya mokili oyo te; esengeli mpe toyeba ete na mozindo ya nzoto oyo ya molimo oyo ezangi bozito, ezali na bomoyi oyo tozali koyoka na kati ya mpema na biso, ezali nde NZAMBE.

To kanisa te ete bomoyi na biso ezali kaka nzoto ya bomoto oyo ekokufa. Bomoyi ezali oyo ezanga suka, nde to bengaka «Nzambe», «Oyo azanga suka»,to «Bomoyi ezanga suka.»

To tala zamba mpe matiti: na tango ya mbula, pole pe moyi ekomaka makasi, mpe

mabele oyo etali moyi ebandi kobotisa biloko. Mokili elati kazaka na yango ya kitoko.

Kasi, ezali ndenge nini pona biso? Soki to mipesi na pole, na Nzambe kati na biso, molimo na biso eko ngenga; wana to koki ko bika na bo nsomi, esengo, bo solo, ko vanda malamumu na ba ndeko, pamba te to mikuti biso moko kati na Nzambe oyo azali Bomoyi, mpe to zui bosolo kati na biso moko.





o zongela mama ya likambo oyo tolo-
bi: Nzambe azali kati na biso. Nzambe
azali kati na bino mpe Nzambe azali kati na
ngai. Moto nionso azali tempelo ya Nzambe
mpe Nzambe azali na bomoyi kati na biso.
Bomoyi ya seko ezali bongo mpema ya
Nzambe. Bomoyi ezali kotambola kati na
molimo na biso, pe na bisika moko moko
ya mike kati na nzoto na biso. Bomoyi eza-
li kati na mpema na biso. Motema na biso
ezali ko beta pamba te Nzambe, Bomoyi
oyo azali bisika binso, azali ko pesa yango
bomoyi.

Yesu na Nazareti ateyaki te lokola eloba-
mi bo momesano na mangomba ete esen-
geli tokendaka na ba tempelo oyo etonga-
mi na maboko ya bato. Yesu na Nazareti a
teyaki mpe a lobaki na ba kambi ya eklezia
ya ntango na ye ete: «*Bo mibenga ba lakisi te*

pamba te molakisi azali kaka moko, elakisi Klisto.»

Motuna ezali boye: Molakisi azali wapi? Molakisi ezali Klisto, lisekwa mpe Bomoyi kati na biso. Klisto ya Nzambe azali bongo Klisto ya Nzambe okati na biso. Azali kati na Nzambe mobeko ya bolingo mpe ya bonsomi. Na yango moko na moko akoki ye moko kopona soki andimi to pe aboyi kondima. Moko na moko mpe azali na makoki ya ko zua mokano ya komikanga epa ya bato mosusu to mpe ya kozala na bonsomi.

Na lingi te bino bo mikanga na eloko moko, to mpe kolaka bino eloko moko, mpe lisusu, na koki koyebisa batu na makasi te lolenge nini esengeli ba mitambusa. Kasi na yebisi bino boye: bo meka bino moko, soki bo lingi, ko sala oyo ngai na batu misusu ebele tosi tosala. Lokola ngai, bango pe ba

kuti Nzambe kati na bango mpe ba komi batu na esengo na bomoyi na bango.

Elobama ete Yesu na Nazareti a teyaki batu ba kende na esika ya moke ya kimia, pona ko luka Nzambe na kimia. A lobaka te ete to kende na ba eklezia oyo etongami na maboko ya bato. Elingi koloba nini suku ya moke ya kimia to esika ya moke ya kimia?

Ndakisa, na ndako na fandaka, na bongisa esika moko ya moke po na losambo: na tia mesa, kiti, mpe mwinda ya buzi. Mokolo na mokolo, ko mikotisa na kimia na esika wana ekoma mposa na nga ya tango nionso. Esungaka nga mpenza pona ko sambela, pona koyoka miziki ya kimia, pona kozongisa kimia kati nga, mpe ko sambela na mozindo.

Bino mpe bomeka, bo zala moko na moko na mua esika ya moke ya losambo.

Bo sala ete na nzela ya miziki ya kimia mpe ya losambo, esika yango ezala esika oyo eko banda ko benda yo. Mpe bozala ntango nionso na bososoli ete Nzambe, Tata na biso ya likolo alingi bino mpe alingi biso nionso. Ye azali na mposa ete to zonga pembeni na ye, pamba te kati na molimo na biso to zali biso nionso bana ya Bokonzi ya Nzambe. Bokonzi ya Nzambe ezali mboka na biso ya solo, oyo ekoki ko bebisama te, mpe oyo ekozala libela na libela.

Moko na moko azali na bonsomi ya ko ndima to mpe ya ko boya likambo oyo ete lolenge azali moto, azali kaka moleki nzela na mokili oyo ya nse kasi azali na seko kati na ye. Molimo na biso elati nzoto ya mosuni mpo na ko zala awa na mokili oyo kaka mua ntango. Na tango nzoto ekufaka, molimo alandaka nzela na ye mpe akolanda

yango tii ako zonga epayi ya Mokeli na ye,
Tata na ye, oyo azali kati na ye, mpe ba ko
koma moko na Ye, lokola Yesu azalaki ko
loba ete «*Nga na Tata to zali moko.*»

Bo moko wana kati na Nzambe, Tata na
biso ya seko, e sangisi biso nionso bandeko
ba bali mpe basi na bokonzi bua Nzambe.
Kaka se mboka ya seko kati na Nzambe,
Tata na biso, nde esangisi biso.



 o zongela lisusu kolobela esika wana ya moke ya kimia. Na banzi ete bo sosoli ete na lingi ko tinda bino te na lingomba moko ya libanda, to lisanga moko ya libanda. Oyo na lingi ezali ete moko na moko a mikuta kati na ye, mpe a mi tuna motuna oyo: na zali nani mpenza, to zali ba nani mpenza?

Soki bo lingi, bo luka bo sosola soki bo zali ba nani mpe bo maniola ndimbola ya maloba oyo: Nzambe azali bisika nionso tango inso. Azali na mokili oyo Ye akeli. Azali bomoyi, pole kati na niama nioso, na nzete nionso ya moke na ya monene, azali na libanga nionso. Nzambe azali na bozindo ya molimo na yo. Nzambe azali elongo na yo mpe pembeni na yo, elongo na biso banso.

Tango ozali ko kende na esika wana ya moke ya kimia, sala yango na kondima mpe

oko zangaka posa te ya ko kokendeke kuna ata ko ezali kaka mwa esika ya moke penza ya kimia. Ko mema makanisi ya mabe te to mpe ya bomoto na esika wana oyo o bongisi pona komizongisaka okati nayo. Kende kuna kaka pona ko yoka miziki ya kimia mpe ko sambela.

Mpe, tango o zali ko sambela, sambela kati na yo, na mozindo ya molimo na yo, mpo ete ozali yo moko tempelo ya Nzambe, pamba te Nzambe azali kati na yo.

Ntina ya ndimbola oyo ezali mpo na kopesa malakisi ya lingomba moko te. Nazali ko samba pona ngai te, to mpe mpo na lingomba moko oyo eyebani. Ntina ya ndimbola oyo ezali kaka mpo ba ninga na nga bato bakoka koyeba Nzambe.

Na kuti Nzambe, Bomoyi, na mozindo ya molimo na nga, mpe na yebe ete Ye a lingi biso banso. Mpo Ye azali Tata na biso ya

seko, Ye atalaki biso na motema na Ye mpe akelaki biso na motema na Ye.

Na koki ko lobela yango kasi na koki ko monisa yango polele epai ya moto mosusu te. Na yebi malamau kasi na koki ko lakisa yango na moto te ete: ozali seko, to mpe to zali na bomoyi ya libela na libela pamba te Nzambe azali Tata na biso. Ye, Nzambe tata wa biso ya lola a kelaki biso na lolenge ya bikelamu ya peto oyo ezali na bozito te mpe emonanaka na miso ya bomoto te.

Mokolo moko, nzoto na biso ya musuni eko kufa kasi mbela na biso kowuta epayi ya Nzambe ezali ya seko, mbela wana to zali kozwa yango ndakisa na maloba ya Klisto ya Nzambe oyo alobi boye: *«Bino bato nio-so, oyo bo lembi mpe boza na mikumba boya epayi na Ngayi. Ngayi»*, elingi ko loba Klisto *«Na lingi kopesa bino kimia»*.

Na yango to kende wapi? Klisto ya Nzambe azali na bozindo ya molimo na biso.

To kende epayi na Ye, Ye oyo azali kati na biso.



Na zongeli na mokuse likambo oyo etali esika ya moke ya kimia. Soki o bongisi mwa esika epayi na yo ya ko sambelela, soki o pelisi mwinda ya buzi mpe ozali koyoka mua miziki ya kimia mpo na komizongisa kati na yo, oko yoka mbangu ete ozali yo moko te. Ezali na eloko moko kati na yo oyo ezali ko lobela yo, ezali ko pesa yo makasi, oyo elingi ko lakisa yo nzela mpe ko tambwisa yo.

Ezali na motuna moko oyo suka suka moto nionso a mitunaka kaka: na sala nini mpo ete na pusana penepene ya Nzambe pona ko bongola na lolenge ya malamumolimo na nga mpe ezaleli na nga mobimba? Soki to zali ko yokela posa wana oyo ezali kowuta na mozindo ya motema na biso, to ko yeba ete Nzambe a pesi biso lisungi mpe nzela pona kokokisa yango. Nzambe, tata wa biso ya seko, a pesaki biso na nzela

ya mosakoli Mosé mibeko zomi, mpe na nzela na Yesu Klisto, Mateya likolo ya Ngomba.

Moto oyo a yebe ko maniola malamuni, a yebe ntina ya mibeko ya Nzambe mpe Mateya ya Yesu likolo ya Ngomba, mpe aso-soli ete to zali ko kota na eleko ya sika.

Eleko yango ezali koya. Ba ike ba zali ko linga ete ba koma bato ya sika, bato ya bonsomi, oyo bazali kofanda na Molimo ya Nzambe, ba oyo bazali kopesa limemya mpe ko linga bikelamu nionso ya Nzambe, oyo bazali kokutana na bazalani na bango na kimia, na nguya ya Nzambe. Bato ya eleko ya sika oyo bakoya ba kozala lolenge wana.

Boni? O ndimi yango? Mpo na yango, ozali na posa ya mokambi ya libanda

te, mpo ete mokambi oyo ya kati, Klisto ya Nzambe, azali kati na yo. Azali kati na moko na moko na biso.

Bo sala makasi po bo mikuta bino moko mpe po bo pusana penepene ya Bomoyi ya solo. Moto moko te a koki ko tinda yo na makasi mpo o tia namisala makambo oyo ezali ko pesama na Molimo. Na kati na Molimo muasolo, kati na Nzambe, biso nioso to zali bato na bonsomi!

Moto nioso akoki ko tatola, mpe na lingi ko sala yango sikoyo:

Na lingaka Nzambe, Tata na biso ya lola, mpo na moni yango malamuni ete a lingi bino, mpe a lingi biso banso. To zali na posa ya mangomba ya libanda te, to zali mpe na posa ya mimesano ya mangomba te, to ya ba sango, to bato oyo ba mitie lokola bango nde ba zali kati na biso na Nzambe. Mpo

ete kati na biso to zali na eloko ya motuya mpenza, oyo ba koki mpe ko somba yango te.

Yesu Klisto, a sengi na biso to kundola okati ya biso eloko wana ya motuya, pamba ete ye ateyaki boye: «*Na zali nzela, solo mpe bomoyi.*» Ye a lendisi biso na koloba ete: «*Bo landa Ngai*» elakisi bo landa Klisto.

Na zuaki mpe nzela ya ko luka eloko wana ya motuya oyo ezali kati na biso. Na zali ko loba kaka pamba te, kasi na ko landisa oyo na sali mpe na moni. Na yebi ete bo koki pe ko kundola eloko wana ya motuya oyo ezali kati na biso. Moto na moto akoki ko kundola yango.

Na kozala na esengo soki biso nionso to landi nzela ya kopusana penepene ya bomengo kaka moko wana.

Nako zala na esengo soki bino nioso bo sosoli ete Nzambe azali elongo esika nionso, mpe na yango bozui kimia.

Nako zala na esengo soki moko na moko asosoli ete azali ye moko te, pamba te kati na biso nionso, eloko moko ezali komimona, oyo ezali ko pema, nguya oyo ezali ko tambola kati na yo. Ezali Molimo, ezali Bosolo, ezali Bomoyi oyo ezali kati na bino mpe kati na moko moko na biso.

Na sengi moko na moko a zua mua esika ya moke ya kimia.

Na sengi bo sambela makasi mpe na mozindo.

Na sengi bo kola na bo nsomi.

Na sengi bo zala malamumu na ba ndeko mpe na biloko nioso oyo Nzambe a keli.

Na sengi bino bo solola na oyo ezali ya bozindo mpenza kati na bino mpe kati ya bazalani na bino.

Na bososoli oyo, na pesi bino mboté ya motema mobimba, kati na Nzambe mpe na lobi na bino: «Nzambe azali na biso!»

Gabriele



Mikanda ya ofele na lokota ya Lingala



***Kolembe te,
yika mpiko***

Mikanda ya ofele: G328lin

Mikanda ya ofele na lokota ya Kiswahili



- Hili ni Neno Langu A na Ω
- Usikate tamaa! Stahimili!
- Mungu ndani mwetu
- Mafundisho ya Yesu Mlimani
- Mnaishi milele. Hakuna mauti
- Mungu anaponya
- Kumpata Mungu! Wapi? Na Vipi?
- Yesu na wanyama
- Hili ni Neno Langu A na Ω
- Uwezekano wa kuzaliwa upya katika mwili wa mwanadamu ni neema ya Uzima
- Hauko peke yako
- Maisha ya raha hadi uzeeni
- Maneno ya faraja

Mikanda oyo ezali pe na minoko misusu ebele

Infos par WhatsApp en français: +49 159 08 45 45 05
www.gabriele-publishing.com

Nzambe kati na biso

Gabriele

Nazali ko samba pona ngai te, to mpe mpo na lingomba moko oyo eyebani. Ntina ya ndimbola oyo ezali kaka mpo ba ninga na nga bato bakoka koyeba Nzambe.

Na kuti Nzambe, Bomoyi, na mozindo ya molimo na nga, mpe na yebe ete Ye a lingi biso banso. Mpo Ye azali Tata na biso ya seko, Ye atalaki biso na motema na Ye mpe akelaki biso na motema na Ye.

Nzambe azali bisika nionso tango inso. Azali na mokili oyo Ye akeli. Azali bomoyi, pole kati na nia-ma nioso, na nzete nionso ya moke na ya monene, azali na libanga nionso. Nzambe azali na bozindo ya molimo na yo. Nzambe azali elongo na yo mpe pembeni na yo, elongo na biso banso.



Gabriele Publishing
The Word